

ZAMALAH KEDOKTORAN UMK / UNIVERSITI MALAYSIA KELANTAN DOCTORAL FELLOWSHIP

1. Skim ini dinamakan Skim Zamalah Kedoktoran UMK / *Universiti Malaysia Kelantan Doctoral Fellowship*.
2. Skim ini terbuka kepada calon pelajar pasca siswazah dari luar negara yang akan mengikuti pengajian peringkat Doktor Falsafah (PhD) di Universiti Malaysia Kelantan secara mod penyelidikan. Calon yang dipilih perlulah terdiri daripada pelajar yang menunjukkan kecemerlangan akademik pada peringkat pra – siswazah dan peringkat sarjana. Penerbitan dan pengalaman boleh digunakan untuk menyokong permohonan.
3. Calon perlu mendapat tempat pengajian terlebih dahulu sebelum dipertimbangkan untuk ditawarkan Skim Zamalah ini.
4. Tiada had umur atau kewarganegaraan bagi calon, kecuali bagi negara yang tidak dibenarkan oleh Kerajaan Malaysia.
5. Skim ini menawarkan elaun bulanan sebanyak RM 2300 sebulan sepanjang tempoh pengajian mengikut surat tawaran untuk mengikuti pengajian pasca siswazah.
6. Sebagai seorang pelajar, calon dibenarkan menggunakan kemudahan kesihatan dalam kampus atau dengan hospital kerajaan dan semua kemudahan lain di kampus seperti Perpustakaan, kemudahan sukan dan kemudahan pembelajaran dan pengajaran.
7. Calon dikehendaki membayar tambang kapal terbang pergi – balik dari negara asalnya.
8. Calon dikecualikan dari membayar Yuran Pengajian di sepanjang tempoh pengajian. Walau bagaimanapun, Yuran Tidak Berulang yang perlu dibayar semasa pendaftaran hendaklah dijelaskan oleh calon. Universiti juga tidak menyediakan penginapan.

9. Selain menamatkan pengajian dengan cemerlang, calon juga dikehendaki menghasilkan sekurang – kurangnya tiga (3) penerbitan sepanjang pengajian di dalam jurnal berindeks seperti ISI / Scopus.
10. Satu perjanjian akan ditandatangani antara calon dengan Universiti Malaysia Kelantan sekiranya calon bersetuju menerima skim ini. Antara perkara penting yang disentuh dalam perjanjian tersebut adalah :
 - i. Calon perlu memastikan mereka bebas daripada masalah tatatertib. Sekiranya seseorang calon berhadapan dengan masalah tatatertib, skim ini akan ditamatkan serta merta.
 - ii. Calon dikehendaki memenuhi syarat pengijazahan dan penerbitan. Seseorang calon yang gagal memenuhi syarat ini dikehendaki membayar balik semua elaun yang telah diterimanya.
(Perincian dokumen perjanjian disertakan)
11. Calon dikehendaki mematuhi segala syarat yang ditetapkan oleh Pusat Pengajian Siswazah, Universiti Malaysia Kelantan dan peraturan yang termaktub di dalam Peraturan Akademik Universiti Malaysia Kelantan dan Peraturan Hal Ehwal Pelajar, Universiti Malaysia Kelantan.